

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I C A
Broj: T04 KT 0057507 24
Zenica, 24.06.2024.godine

OPĆINSKI SUD U ZENICI
-Sudiji za prethodno saslušanje-
ZENICA

Na osnovu člana 45 stav 2 tačka i) u vezi sa članom 241 Zakona o krivičnom postupku F BiH, podižemo

OPTUŽNICU

Protiv:

Z. M., ., neosuđivan,

što je:

dana 28.02.2024.godine, oko 17,30 sati, na području grada Zenica, nepozvan i bez prethodnog odobrenja M. S., koja je inače tetka njegove supruge Z. F., kroz otključana ulazna vrata ušao u njenu kuću koja se nalazi u naselju ..., a potom, kada je u kući ugledao S. , povišenim tonom joj zaprijetio riječima „Jebem vam majku svima, sve ću vas poklati“ pa kada je ista pokušala da ga smiri i nakon što ga je uspjela izgurati iz kuće, otišao do svog parkiranog vozila i iz istoga izvadio nož i sa istim ponovio S. zaprijetio da će ih sve poklati, svjestan da nepozvan i bez odobrenja imenovane ulazi u njenu kuću odnosno da sa takvim prijetnjama može ugroziti njenu sigurnost, što je i htio, koje prijetnje su kod M. S. izazvale osjećaj straha, nespokoja i nesigurnosti,

čime je učinio krivično djelo narušavanje nepovredivosti doma iz člana 184 stav 1 u sticaju sa krivičnim djelom ugrožavanje sigurnosti iz člana 183 stav 1 KZFBiH.

Na osnovu člana 45 stav 2 tačka h) i člana 350 Zakona o krivičnom postupku F BiH predlažemo sudu da izda

KAZNENI NALOG

Predlažemo sudu da se u skladu sa odredbama člana 352 stav 1 ZKP-a F BiH, složi sa našim prijedlogom za izdavanjem kaznenog naloga, te da donese presudu u kojoj će osumnjičenog Z. M. oglasiti krivim za učinjena krivična djela i izreći mu **uvjetnu osudu** u kojoj će mu za krivično djelo narušavanje nepovredivosti doma utvrditi kaznu zatvora u trajanju od 3 mjeseca, a za krivično djelo ugrožavanje sigurnosti kaznu zatvora u trajanju od dva mjeseca, tj utvrditi jedinstvenu kaznu zatvora u trajanju od 4 mjeseca koja se neće izvršiti ukoliko imenovani u roku od 1 (jedne) godine, od dana pravosnažnosti presude, ne počini novo krivično djelo.